



**8.1. DIRULAGUNTZA LERROA: EMAKUMEAK: TOPAKETAK ETA GIZARTEAN PARTE HARTZEA- 2021.  
OINARRI ZEHATZAK.**

**1. Dirulaguntzaren xedea**

Lerro honen xedea da dirulaguntzak ematea, hain zuzen ere, “Emakumeak: topaketak eta gizartean parte hartzea” Programan parte hartuko duten Errenteriako auzoetako emakume elkarteei antolatzen dituzten ekintzak diruz laguntzea. Horrez gain, horien helburuek bat etorriko beharko dute Udalaren Berdintasunerako azpisailak dituenekin (2021-2022 ikasturtea).

**2.- Dirulaguntzak zein partidaren kargura egingo diren eta emango diren dirulaguntzen gehienezko kopurua.**

Dirulaguntzaren zenbatekoa 2021 eta 2022ko aurrekontuetako partidaren kontura izango da:

- 2021 1.1330.481.01.231.50 Dirulaguntza generikoak (%50)
- 2022 1.1330.481.01.231.50 Dirulaguntza generikoak (%50)

Diruz lagunduko den lerro honetarako dagoen aurrekontua 30.000 €-koa da.

Dirulaguntzaren diru-kopuruak inoiz ezin izango du diruz lagundutako jardueraren kostua gainditu, ez bakarrean, ezta aldi berean beste dirulaguntzekin, laguntzekin, diru-sarrerekin edo baliabideekin.

**3.- Pertsona onuradunak, dirulaguntza eskatzeko baldintzak eta horiek egiaztatzeko era.**

Dirulaguntza eskatu ahal izango dute hurrengoko baldintzak bete eta hurrengoko konpromisoa hartzen dituzten irabazi asmorik gabeko elkarteak:

- Emakume elkarte direnak edo auzo elkarte baten baitan dauden emakume taldeak, beti ere, auzo elkartearen baitan izan arren erabakitzeke autonomia eta askatasuna dutenean.
- Elkartearen esku hartzea Errenterian garatzea.
- Udaleko zein Eusko Jaurlaritzako Elkarten erregistroan erregistratuta egotea.
- Berdintasun arloaren helburuekin bat egiten duten ekintzak eta ikastaroak eskaintzea.
- Taldeen arteko bilera eta lan batzorde guztietan parte hartzea.
- Proiektuan aurreikusitako jardueraren bat ezin bada egikaritu ez datorrelako bat COVID19arekin kutsatzeak ekiditeko indarrean dagoen araudiarekin, onuradunak jarduera araudi horretara egokitu beharko du edo atzeratu. Ezin izatekotan, jarduera ez da gauzatuko. Araudi hori era zorrotzean bete beharko da bai ekintza publikoetan, baita bileretan edo publikoarentzat irekiak ez diren jardueretan ere.



Ezin izango da dirulaguntza hauen onuradun izan, ERRENTERIAKO UDALAK 2021 URTEAN DIRULAGUNTZAK EMATEA ARAUTZEKO OINARRI OROKORREN laugarren oinarrian adierazitakoaz gain, dagoeneko emakume elkarte bat existitzen den auzo batean jarduten duten elkarteek, beti ere, elkarte horrek aurreko atalean ezarritako irizpideak betetzen dituztenean eta Programan parte hartzeko asmoa duenean.

Eskaerarekin aurkeztu beharreko dokumentazioa:

Eskatzaileek ERRENTERIAKO UDALAK 2021 URTEAN DIRULAGUNTZAK EMATEA ARAUTZEKO OINARRI OROKORREN seigarren oinarrian adierazitako dokumentazioaz gain, ondorengo ere aurkeztu behar dute eskaerarekin batera:

a) Eskaera egin duen elkarte edo erakundearen estatutuak, baldin eta lehendik aurkeztu ez badira edo aldaketaren bat egin baldin bada.

#### 4.- Eskabideak aurkezteko epea.

Emakumeak: topaketak eta gizartean parte hartzea programetarako dirulaguntzen eskabideak aurkezteko epea irekiko da deialdia Gipuzkoako Aldizkari Ofizialean argitaratu ondorengo egunean eta amaituko da 2021eko abuztuaren 2an.

Epe horretan zehar Berdintasun departamentura jo daiteke informazio eske (943 449576 edo [berdintasuna@errenteria.eus](mailto:berdintasuna@errenteria.eus))

#### 5.- Balorazio batzordea

Dirulaguntza lerro honetako Balorazio batzordean, ERRENTERIAKO UDALAK 2021 URTEAN DIRULAGUNTZAK EMATEA ARAUTZEKO OINARRI OROKORREN Zortzigarren oinarrian zehaztutako pertsoez gain, Kultur Aniztasuna, Garapenerako Lankidetzeta eta Giza Eskubideak departamentuko arduradun teknikoa ere kide izango da.

#### 6.- Eskabideak baloratzeko irizpideak

Eskabideak baloratzeko irizpideak ondorengoak izango dira:

- Aurrekontuaren %40a elkarte guztien artean banatuko da denei kopuru berdina emanaz.

- Aurrekontuaren %60a 2021-2022 ikasturtean antolatuko dituzten ekintzen edukiaren arabera izango da. Kontutan hartuko den puntuazioa hurrengo delarik:

EMAKUMEEN BOTERETZEA BULTZATU EDO GENERO IKUSPEGIA TXERTATZEN DUTEN EKINTZAK	PUNTUAK
Gutxienez 2 ordutako ekintza <i>Actividad de 2 horas como mínimo</i>	1
3 ordutik 12 ordu bitarteko ekintza	3



<i>Actividad entre 3 y 12 horas</i>	
13 eta 32 ordu bitarteko ekintza <i>Actividad entre 13 y 32 horas</i>	<b>5</b>
33 eta 42 ordu bitarteko ekintza <i>Actividad entre 33 y 42 horas</i>	<b>7</b>
43 ordutik gorako ekintzak <i>Actividad de más de 43 horas</i>	<b>10</b>
<b>BESTE EKINTZAK - RESTO DE ACTIVIDADES</b>	
Gutxienez 60 orduko iraupena duen ikastaroa <i>Actividad de 60 horas como mínimo</i>	<b>5</b>
Bolondresak egiten dituzten ekintzak edo 60 ordu baino gutxiagokiak <i>Actividades realizadas por voluntarias o de menos de 60 horas</i>	<b>2</b>
<b>HONEZ GAIN – ADEMÁS</b>	
Euskeraz antolatzen bada edo euskera bultzatzeko helburua badu <i>Si se organiza en euskera o sirve para impulsar el euskera</i>	<b>4</b>
Ekimenaren partaide gehiengoak %33 baino gehiagoko ezgaitasuna badu <i>Si la mayoría de participantes tienen más del 33% de discapacidad</i>	<b>2</b>
Beste elkarte batzuekin elkarlanean ekintzak antolatzen badira <i>Si se organizan actividades conjuntamente con otras asociaciones</i>	<b>2</b>
Kultura anitzen arteko harremanak bultzatzen baditu <i>Si impulsa la relación con diversas culturas</i>	<b>2</b>

Honako hauek emakumeen ahalduz bultzatu edo genero ikuspegia txertatzen duten ekintzen adibideak dira:

- Emakume izateagatik bizitzako etapa ezberdinetan bizi ahal dugunaren inguruko ikastaroak (Adb. Amatasuna, alarguntasuna, zaintza, amona zaintzailea, nagusitzea, maitasuna, sexualitatea, hilerokoa, menopausia,...)
- Elkartearen antolamendua, kudeaketa eta administrazioa hobetzeko ekintzak (Adb. gestiorako autonomia, jende aurrean hitz egiteko teknikak, negoziatzeko abileziak, ...)
- Emakumeen autonomia bultzatu eta ohiko roletatik haratago doazen ekintzak. (Adb. brikolage ikastaroa, teknologia berriak, DJ ikastaroa, Txalaparta, Batukada, Xakea, mendian orientatzen ikasi, bizikleta konpontzea, Lilatoian parte hartu...)
- Genero ikuspegia txertatzen dituzten ekintza kulturalak. (Adb. historia, literatura, zinea, komikigintza, argazkigintza, artea, ipuinak...). Genero ikuspegia txertatzen dutela ulertzen da arlo hauetan emakumeen esperientzia ezagutzea denean helburua.

## **7.- Kopurua zehazteko**

Jarritako irizpideak bete ondoren, aurrekontuan dagoen diru guztia ez bada eman eta elkarteek eskatutako kopurua ez bada bete soberan dagoena, 2021-2022 ikasturtean antolatuko dituzten ekintzen edukiaren arabera lortutako puntuazioaren arabera banatuko da.

Aurrekoa eginda, oraindik udal aurrekontua bere osotasunean ez bada esleitzen, berriro eragiketa berdina



egingo da behar den aldi guztietan, aurrekontua bere osotasunean esleitu arte.

### **8.- Dirulaguntza ordainketa eta ordainketa aurreratua.**

Dirulaguntzaren diru-kopuruak era honetan ordainduko dira:

Dirulaguntzaren %50a, dirulaguntza ematea erabakitzen denean ordainduko da.

Dirulaguntzaren %30a, 2022ko urtarrilean ordainduko da.

Falta den dirulaguntzaren %20a, egindako gastua justifikatzen duen dokumentazioa aurkeztu ondoren ordainduko da.

### **9.- Dirulaguntzaren justifikazioa.**

Dirulaguntzaren hirugarren ordainketa diruz lagundutako programa edo jarduera justifikatzeko dokumentazioa aurkeztearen baldintzapean geratuko da. Justifikazio hori aurkezteko epe muga 2022ko ekainaren 30a izango da.

Zehazki aurkeztuko den dokumentazioa honakoa izango da, ERRENTERIAKO UDALAK 2021 URTEAN DIRULAGUNTZAK EMATEA ARAUTZEKO OINARRI OROKORREN hamazazpigarren oinarrian adierazitakoaz gain:

- a) Programaren edo diruz lagunduriko jardueraren memoria zehatza.
- b) Dokumentazio grafikoa (kartelak, programak) edo ikus-entzunezkoa.

Dirulaguntzaren eskabide ereduarekin batera doan dokumentazioa bete beharko da.

**Ohar garrantzitsua:** deialdi hau egin da ERRENTERIAKO UDALAK 2021 URTEAN DIRULAGUNTZAK EMATEA ARAUTZEKO OINARRI OROKORREI jarraiki. Hemen zehaztu gabeko gai orotarako oinarri horietara jo beharko da.